

是置益州越雋牂柯沈黎汶山郡欲地接以前

通大夏李奇曰欲地界相接至大夏乃遣使相始昌呂越人等

歲十餘輩出此初郡索隱曰初郡謂越雋岐山等郡也謂之初者後皆叛而併廢之

也抵大夏皆復閉昆明為所殺奪幣財終莫能

通至大夏焉於是漢發三輔罪人因巴蜀士數

萬人遣兩將軍郭昌衛廣等往擊昆明之遮漢

使者徐廣曰元封二年斬首虜數萬人而去其後遣使

昆明復為寇竟莫能得通而北道酒泉抵大夏

使者既多而外國益厭漢幣不貴其物自博望

侯開外國道以尊貴其後從吏卒皆爭上書言